

T 3160 / 1132.83

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
MAY 10 1938

3160 / 1132.83

第一冊

叙

凡例

目錄

輿圖

星野

沿革

形勢

山川

正寧縣志

卷三

正寧縣志序

周官有小史掌三國之志外史掌書外令掌四方之志志之由來尚矣然志豈易言哉江文通曰修史之難莫過於志蓋史繁而志寡使序事紀載煩而不整俗而不典書不實錄文不勝贊舉不足以示當時而傳後世故必識足周事物之體才是達天下之用學足窮古今之蹟文足發幽顯之情夫然後於事不誣而於志稱善國史有之邑乘宜然正寧禹貢雍州之城星應井與周爲北幽秦屬北地漢爲陽周屬上郡隋爲羅川屬北

地唐爲正寧屬寧州明末改屬慶陽

朝更名正寧峯嵐秀奇川谷深窈屏藩三輔犄角邠寧  
爲一方形勝其中山水靈淑古蹟森羅如橋山琴峯靈  
泉温泉以及唐臺兔穴諸奇觀目不暇賞鍾爲人物更  
多瑰琦磊落忠烈不磨若漢之義陽侯傳唐之定遠于  
公明之景中丞趙光祿則其尤著者也惜縣志久闕其  
人地可傳事績可紀者百餘年來往往散逸不可考不  
有以搜輯纂修稱是以徃再越數十年不惟散逸者無  
稽自僅存者卒亦同歸湮沒耳邑侯折君佩湘奮然有

志於此遠稽近考目涉手批自出一家言編而成帙將  
付剞劂先以稿示余余爲覽之見其條分縷析綱舉目  
張其中叙事屬辭悉皆整而不煩雅而不俗書不失實  
質不掩文或序論以開先或評斷於篇後無不折衷至  
是訂証無訛上下數千年沿革建置之紛山川人物之  
備風俗土產之別政教祥雩之徵莫不燦若列眉瞭如  
指掌不禁喟然歎曰折君其良吏而兼良史者乎君以  
山右少年聯捷科第一行作吏歲甫二週道齊有方教  
養兼舉民安治理士沐薰陶津津乎譽著循能歌興父

母固已功懋一時矣乃復於簿書之暇珥筆汗青將正  
邑之前後古今洪纖巨細靡不闡揚善美記載詳明事  
則繼往開來文可信今傳後誠足以光

國家文明之治而增一邑之光也使非明體達用學邃文  
優烏睹良史之所難操之良吏而易易哉觀斯志也君  
之有功於茲邑者不在一時而在萬世矣欲知君之政  
及君之才識與學者其於斯志求之乾隆二十八年歲  
在癸未仲冬月上浣日西昌吳一嵩撰

目錄

志者史之遺也而亦通於經譬諸山水經史其源嶽乎  
志乘其源之波而山之阜乎正寧華爾邑余惟命其地  
星隨兩縣嘗登唐臺窮馳道觀秦漢以來盛衰之故因  
上溯公劉耆靈而嘆姬周敦本力稽之遺風猶有存者  
惜乎有志則敏不能盡古今之變令

國家太平期洽文治昌明

各書又復屢徵縣志不舉而新之是八巨流而我絕矣  
也人乎似而我一篑也遂不自揣成新志十有八卷

不敢謂與經史相表裏較之舊志則大備矣後之君子  
徵文考獻或可爲尺波片石之一助云乾隆二十八年  
十月既望陽曲折遇蘭自叙

凡例

一志爲實錄務博者誇多闕靡好簡者掛一漏萬其  
失也均舊志寥寥二本缺而不備覽者深憾之况  
國家百餘年來久道化成氣象規模迥非昔比尤不可  
不見之紀載今於公餘之暇焚膏繼晷遠紹旁搜  
成新志十有八卷綱目分明以期詳而有體

一志者紀載之文然必兼以論斷俾是非得失如指  
諸掌方見有關政治若第組織事實將焉用志爲  
今按閭閻風土情形於日後斷其是非於綱後論

其得失以爲補偏救弊之助若本文業已詳盡者則不復贅

一天文地理建置祠祀田賦官師獻徵爲七大綱星野沿革形勢山川古蹟勝景風俗物產城池公署驛傳學校兵防里甲倉庾橋道壇廟賦稅戶口經費職官名宦人物忠節鄉賢孝義列女文學方技流寓仙釋選舉爲三十二目各以類附而統屬綱內如振裘挈領而不亂焉詳肯軼事藝文則各自爲綱目體裁限之也

一學校文廟宜分列不宜統附至壇廟典禮小邑多未之講故條分縷析原原本本不厭其詳因此求之而更博稽祀典庶幾條貫靡遺

一士習民風他志過於粉飾轉失面目茲據實書之而得失俱見

一節孝有關風化其已經

旌表者固必載入或從前未經呈報今訪聞確實者一併詳載以彰潛德

一選舉仙釋流寓等項俱統入獻徵者以類相從也

選舉列在獻徵後者有人材而後有選舉也若疆域陵墓集市寺觀不能另列一冊俱各以類附以免頭緒紛雜

一藝文去取從嚴所謂嚴者非以數之多寡言也康對山武功志錄姚武功詩多至五十餘首而文廟李頤曲新二碑以文辭鄙冗削而不錄識者許之茲本其意

一從來作者之病多喜創而不喜因不知春秋魯史一經筆削則為孔子之書此著作之體也茲志中

正寧縣志目錄

陽曲折遇蘭佩湘氏撰次

卷之一

凡例

目錄

輿圖

卷之二

天文志

星野

卷之三

地理志

沿革

形勢 疆域

山川

卷之四

地理志

古蹟 陵墓 坊表

勝景

風俗

物產

卷之五

建置志

城池

公署

郵傳

學校

卷之六



建置志

兵防

里甲

倉庾

橋道

卷之七

祠祀志

壇廟

寺觀

卷之八

田賦志

賦稅

經費

戶口

卷之九

官師志

職官

名宦

卷之十

獻徵志

人物

忠節

鄉賢

孝義

卷之十一

獻徵志

列女

文學

方技

流寓

仙釋

卷之十二

獻徵志

選舉

科甲貢封廕錄并載

卷之十三

祥符志

軼事志

卷之十四

藝文志

箴 銘 頌

卷之十五

藝文志

記 序 書

卷之十六

藝文志

詩

卷之十七

詩

卷之十八

詩

詩餘

正寧縣志卷之二

興

圖



興


圖

正寧縣志

興


縣境

泉州府



三水縣界

山河鎮




和承

新橋



城門  
衙門  
武庫  
天官坊  
木坊



城門  
衙門  
武庫  
天官坊  
木坊

翠峯古洞



正寧縣志

卷四

縣景

四



泰山拱翠



三

圖

縣景

五






靈湫喬松





温泉夜月



羅山兔穴




雲寂孤峯





支當古渡



正寧縣志卷之一終

正寧縣志卷之二

天文志

星野

星可得而推乎陰陽升降之故如繫風捕影而不可憑也星不可得而推乎躔次宿度之數如列宿視掌而不可誣也自古星之說起而惑其旨者遂欲拔矢以射天狼矣不知和祥災異達於天通於地而由於人故洪範休徵為皇極之應然則後世天官等書雖勿作可也

漢地理志曰自東井十六度至柳八度為鶉首乃秦  
之分野又賈直謂起井十二度蔡邕謂起井十度  
未知孰是按文獻通考陳卓謙周京房張衡輩  
云柳七星張周二輔自東井入柳一度至河內入  
張九度則後漢志又加詳矣有志

唐天文志東井與鬼鶉首也周禮韋注云鶉首秦也  
李淳風法象志北地又屬宿

晉天文志上郡北地入是寺慶

一云秦書慶陽郡在州北地入是寺慶

七度


三

府志慶陽府并所屬一州四縣古雍州秦地也分野  
在二十八宿則東井鬼柳在五星則辰星在北斗  
則魁在天市則西垣第六星又曰東井居兩河之  
陰當地絡之西北與鬼居兩河之陽與鶉首相接  
當地絡之東南鶉首之外雲漢潛流而未達故狼  
星在江河上源之西弧矢鶉犬皆微外也西羌吐  
蕃吐谷渾及西南徼外彝人皆占狼星平鳳臨鞏  
延慶則皆占弧矢矣慶陽蓋古弧矢星之部也




國朝欽天監測紫九度至井二十六七度為鶉首之次其餘井度并與鬼四度俱入鶉火

井宿圖



鬼宿圖



步天歌

井

一星名鉞井邊安

八星行列河中淨

一星名鉞井邊安

兩河各三南北正

天樽三星井上頭

樽上橫列五諸侯

侯上北河西積水

欲寬積薪東畔是

鉞下四星各水府

水位東畔四星序

四廣橫列南河裏

南河下頭是軍軍

軍帶團圓十三星

中有一個野鷄精

孫子丈人帶下立

各立兩星從中說

關邱二個南河東

邱下一狼光蓬茸

左畔九個彎弧弓

一矢擬射頑狼胸 有個老人南極中

春秋出來壽無窮

鬼

四星冊方似木櫃 中央白者積尸氣

冊上四星是燿位 天狗七星鬼下是

外厨六間柳星次 天社六個弧東倚

社東一星是天紀

按秦之分野固以井鬼為確而慶陽在東井七度其說較為足據李淳風章所云非的論也顧星野

之分論其常則周天宿度宜不可紊然黃道有時  
遷於歲差斗末有時變為牛初天運轉移已不可  
測况正寧在秦時則隸北地在漢時則隸上郡晉  
時又陷於戎星野之說將從北地耶將從上郡耶  
抑又將從戎耶夫魏徙大梁而西河合於東井秦  
拔宜陽而上黨入於輿鬼星野之變前哲已詳言  
之固不必爭抄分於毫釐間也

正寧縣志卷之二終

正寧縣志卷之三

地理志

陽曲折遇蘭佩湘氏撰

沿革

三代以上公天下以封建而治世之權分三代以  
下公天下以郡縣而馭世之權合郡縣翁是而廢  
秦興因革史不絕書者勢有以使之也正邑自漢唐  
以來迭經沿革一廢於晉再廢於後周及我  
國家統一中外設官分爵寓封建於郡縣而後百  
金湯固於磐石加以休養生息駸駸乎復睹三代

之盛矣

禹貢雍州之域

周為北豳地公劉屬邑

秦屬北地郡

漢上郡陽周縣

晉陷於戎

東魏置泥陽惠涉二護軍屬趙興郡

西魏置顯州後周廢之

隋開皇中改羅川縣屬北地郡

唐天寶初改置正寧縣屬寧州五代宋金元因之

元末李思齊部將張天福守之

明復為正寧縣仍隸寧州萬歷二十九年李議趙邦

清題准改隸慶陽府

國朝仍為正寧縣屬慶陽府今為正寧縣原編戶二十

一里今編七里

秦 漢三國 晉 南北朝 隋 唐 五代 宋 金 元 明

陽周縣 羅川縣 正寧縣 正寧縣 正寧縣 正寧縣 正寧縣 正寧縣 正寧縣 正寧縣

屬北地 上郡 陽泥 陽泥 陽泥 陽泥 陽泥 陽泥 陽泥 陽泥

屬北地 屬北地 屬北地 屬北地 屬北地 屬北地 屬北地 屬北地 屬北地 屬北地

漢省 戎 屬趙興 郡 宜陽郡 魏置

更名屬 彭原郡

神宗二十九年

改隸慶陽府

泥陽縣 屬北地 郡

顯州 西魏置 後周廢之

泥陽縣

正寧縣志卷之三

地理志

形勢 疆域附

陽曲折避簡佩湖氏撰

秦號天府之國表裏山河據天下險阻可謂壯哉  
卽一邑至小或勢如建瓴或形資扼塞莫不可攻  
可守藩衛中原海昭德蓄威之所也 寧居北地  
之南山高而多谷擅左出右入之勝且長城靡  
雄峙東偏想見古人防邊之嚴爰熟家詳附載  
方表俾官斯土者畫沙聚米而知控制捍衛之方

形勢

原阜環擁澗溝濛濛 府舊志

龍從橫嶺而來河自分水而下勢踞上游險阻  
恃舊志

氣象葱蔚原隰隱赫 宋碑

縣東西兩川約長六十餘里澗二三里不等羅水行  
其中南北叠起土岡互相掩映行至岡頂忽平原  
開明一望無際往來通車轍

縣北兩峯對峙勢若發弩一澗中迫窈然而幽豁然  
而開縣治適當澗口登高視之如驪龍吐珠在口

離吞吐間

縣南琴山東至勢欲西去忽羣峯自西透迤百折而  
來至泰山一峯陡落與琴山作摩盪脫卸之狀

縣治東西二三里內山巒環列層包叠裹惟局面不  
甚開濶且羅水西去一往不顧少迴環旋繞之觀  
東行七十餘里至秦家店川勢漸狹山勢漸高再東  
十餘里高峯矗起林麓幽邃澗谷中時通小徑入  
延安界爲宵小出入門戶洵要隘也子午山一帶  
有秦築長城舊於雕嶺關設巡檢司一員以資彈

壓後裁廢

西行十餘里至長溝店土壁高嶄西北有往來大路望之自高崖倒垂下為西鄉要地再十里至彭家東川川勢漸小山勢漸高循羅水西去地形如葫蘆狀

南行二里有九條溝路溝深道險通涇原易為奸匪竄伏

東北行一里為勒馬山山徑艱絕通幽河平子二鎮西北行一里為鵬翅山山腰俯視縣治萬象在目明

時為南北往來之衝

疆域

廣一百三十里袤一百五十里東至宜君縣界一百一十里西至寧州界三十里南至三水縣界三十里北至寧州界三十五里

東界歷橫欄子至長溝店西界歷橫欄子至長溝店

西界官河堡界

南界焦家山南石磚凹

北界仙陵堡界

三

形勢

疆域

東到宜君縣二百五十里西到長武縣九十里  
到三水縣九十里淳化縣一百八十里同官縣三  
百里西南到邠州八十里東北到中部縣三百二  
十里西北到寧州九十里到安化二百四十里  
按慶陽古北地郡唐時吐蕃犯邊宋趙元昊竊據  
西夏勢甚猖獗而環慶屹然北向元明以前俱設  
重兵守戍正邑居北起東南紫接石門關為官軍  
南來首站至今臺汎遺踪絡繹相望及光緒庚子  
差務稀少而正安地為要衝矣明季去後一

關一帶墩臺拆毀如邇東來差務須取遊寧州之  
政平驛抵慶若以形勢論石門關抵西安僅三百  
餘里為北地咽喉有事則官軍自陝抵慶止六站  
之遙朝發夕至捷於政平驛多矣嘗詢諸父老僉  
曰此路一往康莊修整之可通車轡明時以其直  
抵銀夏故商賈經行百物踵至縣民賴以資息頗  
稱饒裕今則塞汎廢弛商旅裹足不前通衢化為  
榛莽物價騰翔且數倍於前矣康統設墟汎以通  
商賈乃屢行移商三水未有成議噫一路之通塞



豈亦有數哉

正寧縣志卷之三

地理志

陽曲折遇蘭佩瀟民撰

山川

客有登五嶽之巔窮四海之瀾而嘆天地之小退  
而見拳石勺水驚嘆狂走而謂大莫與京者遇以  
神也小邑無高山巨川顧一丘一壑士大夫或流  
連往復賦詩見志矧靈秀所鍾蜿蜒磅礴而忠亮  
耿直之士往往出於其間語云山不在高水不在  
深可以悟矣

撫琴山 在縣南一里相傳唐元宗夢羣仙處

泰山 在縣西南一里一峯秀起蒼翠可愛

勒馬山 在縣東北一里山從東逶迤來至此陡然

一束如勒奔馬因象形以名

鵬翅山 在縣西北一里形如鵬翅故名

五掌山 在縣東北二里五峯削成其狀如掌

黎陽山 在縣西南二里與石泉温流相對舊志

圓山 在縣東南十五里以形圓故名

雲叔山 在縣東南十五里

月巖山 在縣西南二十里

西山 在縣西二十里一名高妙山上建玉皇殿

下有羅湫古碑

羅山 在縣東二十里唐天寶間使者見一老隨

兒入穴啟之獲玉正人二十有七遂改羅川爲正

寧見方輿勝覽

石門山 在縣東南七十里

繡山 在縣東六十里相傳景忠烈被難時崩

橋山 在縣東七十里與中部縣連界黃帝堊衣

冠於此見魏收志

子午嶺 在縣東九十里一名橫嶺寰宇記曰沮水自坊州昇平縣北子午嶺出即指此也府志曰橫峙郿寧縣脉從此

雕嶺 在縣東九十里即子午嶺別阜上有秦築馳道

羅水 發源子午嶺經縣南城下西流入涇平時涓流一線夏秋之交雨多水漲浩瀚洶湧每為城垣之患

溫泉 在縣西三里

小三河 在縣北南流入

太白湫 在縣西南六里湫在嶺中設太白龍祠相傳廿年前湫水深廣禱祈必應後漸涸成涓滴乾隆二十八年四月亢旱知縣折遇蘭往禱之甘雨立降因導其淤壅泉水湧出澗一畝餘或曰龍湫之別派也

芝塘河 在縣南二十里按地本古芝州舊置塘汛故名縣景所謂支當古渡者疑即指此但芝塘與

支當字不同或沿傳之誤與今府志載支當古渡  
云源出橫嶺流達涇寧似支當卽指羅水矣

馬造溝 在縣西北二十里相傳馬伏波過此

龍泉 在縣東二十里舊名龍泉院古井在峭壁  
下泓然以深澄然以清井上古槐蔽空有檀抱槐  
而出狀甚奇幻

蓮花池 在縣東二十里龍泉下相傳池舊生蓮冠  
蓋鱗集土人苦之遂廢

新庄溝 在縣東南四十里有湫方圓數畝禱雨輒

應人比之靈湫上建龍神廟

龍門川 在縣西北四十里

要冊龍湫 在縣東六十里一名靈湫一湫泓然不  
涸不溢禱雨必應旁設龍神祠歷代各有封號碑  
版甚多按郊祀志云安定朝那有湫泉清澈不容  
穢污亢旱於此求雨云龍之所居今平涼府屬之  
涇州云有龍湫在焉蓋涇州古安定郡也而方輿  
勝覽云橋山之尾有水曰龍湫今橋山在縣東七  
十里外而此湫適當其尾豈此一龍湫彼一龍湫

耶考之通鑑北地秦之郡名東漢屬安定郡安定  
既統慶陽秦以方輿勝覽則龍湫在正邑較爲可  
據雖然朝那漢之縣名屬安定郡在今平涼府城  
東南去涇州不遠彼所謂龍湫者非無說矣姑兩  
存之

聖水泉 在靈湫殿後一小井深不過數尺水清冽  
不染纖塵殿內一井與此同穴今涸

兩頃原溝亦在縣東六十里有潭澗十餘畝每遇天  
陰有怪物如人形出水戲隨雷風大作冰雹立降

東南一帶數被其災知縣邵必異往祭之患漸止

按山林川澤天地自然之利而縣境六十里內一  
望童阜雖有可樵之山道遠莫致十年樹木之計  
顧不急哉綜計通縣地畝原阜十之四凸凹十之  
五平川十之一雖有羅川芝塘之水東於夾谷難  
資引灌宜乎豐歉無常而民力困憊也愚蒞任後  
勸諭各鄉廣植樹木不下數萬株從此墾事而增  
庶幾易易惟水利一節規畫未逮以縣之東西兩  
川而論逼近羅川亦有可以勉強引灌之地核計

挑濬疏洩爲費浩繁苦令百姓自爲引濶則設渠  
之費幾數倍於地值若官爲捐給則非一手一足  
之烈嗜有利而不能與將何言以謝我父老

正寧縣志卷之三終

